

الورق

مجموعة قصصية بالعامية



مجدي عبد القادر

مريم توركان

الورقة

مجدي عبد القادر

مريم توركان

اسم العمل: الورقة

نوع العمل: مجموعة قصصية
بالعامية

تأليف: مجدي عبد القادر / مريم
توركان

تدقيق لغوي: مريم توركان

تصميم الغلاف: مريم توركان

تنسيق داخلي: مريم توركان

الإهداء

لكل حد شاف نفسه في (وجع) قصة، ولقى
روحه في (أمل) حكاية.. الورقة دي ليكم،
عشان تحسوا إنكم مش لوحدكم.

التمهيد

الدنيا عبارة عن ورقة ..

ساعات بنشـخبط فيها بوجع، وساعات
بنرسم عليها ضحكة صافية .

في المجموعة دي، مش هتلاقي بس
قصص، هتلاقي حتت مننا ..

حتة من خذلان وجعنا في ليلة طويلة، وحتة
من إصرار خلانا نقوم تاني ونعافر .

الورقة مش بس بتشيل حبر، دي بتشيل
عُمر .. ف اقرأ بقلبك .

المقدمة

يقولون إن الكتابة هي الحيلة الوحيدة
للنجاة، ونحن هنا نحاول النجاة معكم.

بين يديك الآن مجموعة قصصية بعنوان
(الورقة)، كتبناها بلساننا البسيط، وباللغة
التي تشبه أحاديثنا في لحظات الصدق.
القصص هنا لا تدعي المثالية، بل هي مرآة
لما نمر به جميعًا.

ستجد في طياتها الخذلان الذي يكسر
الروح، والألم الذي يسكن الزوايا، لكنك لن
تخرج منها حزينًا؛ فقد حرصنا أن نزرع في
نهاية كل نفق بصيصًا من الأمل، وقوة من
العزيمة. فالحياة ليست لونًا واحدًا، والورقة
التي قد تبدو ممزقة اليوم، هي ذاتها التي
يمكن أن نكتب عليها غدًا قصة نجاح
جديدة.

نتمنى أن تجد نفسك بين السطور، وأن
تلمس هذه الورقة وترًا في قلبك.

أصل الحكاية

بدأت الحكاية منذ زمنٍ بعيدٍ.. زمن كان يُقاس فيه العمر بالحنين لا بالسنين.

كان الطفل الأوسط بين إخوته، وُلد في أوائل الثمانينات في بيت مصري أصيل، كل زاوية فيه تحكي قصة، وكل ركن يحمل عبق الزمن الجميل.

إخوته الأكبر سنًا غارقون حتى النخاع في روايات أجاثا كريستي، و"الشياطين الثلاثة عشر" ومجلات الشباب، أما هو فكان يقف في المنتصف بينهم يراقب ويسأل، ويحلم أن يخوض عالمهم، لكنَّهُ كان يُقابل سؤاله بابتسامة ساخرة لصغر سنِّه، فيسكت ويكتفي بنسج خياله من خيوط أحاديثهم، يستمع في صمت ويؤجل حلمه لكنه لم ينسَهُ.

ثُمَّ جَاءَ الْيَوْمَ الَّذِي قَرَّرَ فِيهِ الْقَدْرُ أَنْ يَفْتَحَ
لَهُ الْبَابَ.

وَقَعَ بَيْنَ يَدَيْهِ عَدَدٌ مَهْتَرٌ مِنْ سُلْسَلَةِ
غَامِضَةٍ، تَحْمِلُ عُنْوَانًا مَبْهَمًا لَطْفَلٍ فِي
حَدَاثَةِ سَنَةِ: "الْمَكْتَبُ رَقْمَ 19".

لَمْ يَفْهَمْ كُلُّ مَا قَرَأَهُ لَكِنْ شَيْئًا فِي دَاخِلِهِ
اشْتَعَلَ.

انْبَهَرَ بِتِلْكَ الْعَوَالِمِ الَّتِي خَرَجَتْ مِنْ بَيْنِ
الْصَفْحَاتِ، وَشَعَرَ بِأَنَّ شَيْئًا دَاخِلَهُ تَغْيِيرًا وَأَنَّه
لَمْ يَعِدِ الْوَعْدَ ذَاتَهُ.

اتَّسَعَ خَيَالُهُ وَهَدَّاتِ طَبَاعُهُ، كَأَنَّ الْقِرَاءَةَ
بَدَأَتْ تَعِيدُ صِيَغَتَهُ مِنْ جَدِيدٍ.

كَانَ يَتَلَعَثُ أَثْنَاءَ الْقِرَاءَةِ لَكِنْ أَحَدًا لَمْ يَسْتَطِعْ
أَنْ يَوْقِفَهُ.

وسط إشفاق إخوته وأبويه عليه: "هون عليك يا صغيري فما زلت طفلاً".

قرأ الرواية كاملة وهو بعد في الصف الثالث الابتدائي، ومنذ تلك اللحظة أصبحت القراءة شغفه الأول.

صار يذاكر بإصرار ليقتطع وقتًا للقراءة، ينتظر الإجازة الصيفية بفارغ الصبر؛ ليقتني أعدادًا جديدة من "رجل المستحيل" و"ملف المستقبل"، و"فلاش" و"ميكى" و"بطوط"، وأي مطبوعة انتشرت في ذلك الوقت.

أصبح الورق جزءًا لا يتجزأ من دمه، والكلمة وطنًا صغيرًا لا يغادره ولا يفارقه.

كبر الصغير وصار مرهقًا شابًا، وبدأت محاولاته الأولى للكتابة أثناء المرحلة الثانوية والجامعية.

كان متأثرًا بالراحل نبيل فاروق، يُحاكي أسلوبه ويحاول أن يخلق بطله الخاصّ به.

كتب قصصًا قصيرة وروايات صغيرة في أجنّات وكشاكيل، لم تكن أبدًا مثالية، لم تكن أبدًا دقيقة أو احترافية، لكنّها كانت تدريبًا على الحلم، على الهواية أكثر من كونها تجربة نجاح أو فشل، ولم تخرج أبدًا للنور من بين طيات أوراقه وجنّاته.

صارت القراءة دافعه الأول، والعمل في الإجازات وسيلته لاقتناء الكتب بماله الخاص.

لكنّ الحياة لا تمنح دائمًا كما تأخذ، فالحياة غير عادلة على الإطلاق.

مرّت السنوات وجاء زمن الإنترنت، فانطفأ الشغف شيئًا فشيئًا بعد التخرج.

انشغل بعمله ومسؤولياته، وبناء بيت صغير
يجمعه بمن يحب، ولكن أبداً أبداً لم ينس
معشوقته الأولى (القراءة).

صارت أيامه ينقصها شيء ما لا يدري
كنهه، أصبحت متشابهة بلالون ولا نكهة،
كان شيئاً في داخله فقد بريقه القديم وانطفأ.

أصبح رجلاً وأباً، وابتلغته دوامة الحياة،
ومع الوقت تحولت الحروف بداخله إلى
مقاطع في زمن التواصل الاجتماعي
الوهمي، والكلمات إلى شاشات، واندرت
متعة القراءة، لكن حبه الأول ظل ساكناً في
أعماقه ينتظر أن يوقظ من جديد.

وفي يومٍ عابر وبينما كان يتصفح تلك
المواقع على غير هدى، وقعت عيناه على
صفحة إلكترونية بهاتفه تحمل اسماً مألوفاً

له، وقع السحر على عينيه وجرس
موسيقى بأذنيه.

يا رباه!

إنها تتحدث عن رواياته القديمة، التي
أضاع سنوات عمره معها وبينها، وكانت
جزءاً لا يتجزأ من حياته.. إنها تلك
القصص المنسية، وأبطاله الذين أحبهم في
طفولته.

توقف الزمن للحظة، وشعر أنه عثر على
كنزه المفقود.

اشتعل الحنين داخله من جديد، وعاد يبحث
عن أعداده القديمة في بيت العائلة؛
ليراجعها مرة أخرى، ليقول: لقد كنت هناك،
كنت معهم.

ووسط تلك المشاعر المتضاربة بين اجترار
الماضي، وإعادة إحياء هوايته الأولى

والأخيرة، أعادت له الحياة اكتشاف كتب
ومؤلفين جدد، وكتب وروايات جديدة
وعوالم مختلفة، فعاد الشغف يشتعل مرة
أخرى وبشدة.

تعرف على أدباء جمعته بهم الصدفة البحتة
على تلك الشاشات المضيئة، نعم، لقد
أصبحت من الآن مضيئة، لم تكن باهتة كما
كانت قبل تلك اللحظات.

وأصبحت الحياة منذ تلك اللحظة عادلة
أحياناً؛ مؤلفون جدد أهدوه كتباً، وأهدوه
معها آمالاً جديدة.

لم يرهم فعلياً، ولكنهم شكّلوا بداخله آفاقاً
أخرى للقراءة، وأحيوا شغفه القديم بعدما
ظنّ كل الظنّ أنه اكتفى بما سبق.

صار يناقش هؤلاء الأدباء ويتحدث معهم
كأنه واحد منهم، وعادت القراءة تمنحه
صفاءً وهدوءًا لم يعرفهما منذ زمن.

امتد الشغف إلى بيته، فصار يجلس مع
زوجته وأطفاله يحكي لهم عن الشخصيات
التي أحبها، ومشاهير الكتّاب الذين منحوه
طاقة ودوافع جديدة.

بات يُداعب صغاره، ويزرع فيهم حب
الكلمة وسحر الحكاية.

وفي يوم ما، ذات ليلة، قرأ إعلانًا عن
مسابقة أدبية للقصص القصيرة نشرها
صديقه، واحد من هؤلاء الأدباء وآخر حبات
عنقود الموهوبين.. (مايكل يوسف)، الذي
يعتز بصداقته قبل موهبته وإبداعه.

شعر بانفعال غريب وكأنَّ القدر يختبره من
جديد.

أمسك القلم وبدأ يكتب شيئاً، لكنّ الكتابة لم
تعد سهلة كما كانت، إذ كانت متعبة مثقلة،
كأنّها تواجهه بأسنلته القديمة وحلمه
الدفين!

جلس أطفاله يراقبونهُ بابتسامة جذلة، وهو
يحاول أن يستعيد نفسه بين السطور.

قلّب في أوراقه القديمة عن رواية تصلح
للنشر، قرأ ومزّق ونقّح، ثمّ عاد الكرة
وأعاد الكتابة من جديد، حتّى أدرك أنّ
الإبداع لا يولد إلا من وجع ومعاناة.

وأشفق على كل صاحب قلم مبدع، يا إلهي!

أدرك الآن أنّهُ يشفق على صديقه (مايكل)،
عندما كان يشكو له من ضيق الوقت، الذي
يдахمه من أجل إنتاج روايته الجديدة،
وإخراجها لقراءه.

شعر بالخجل عندما كان يلح عليه دائماً
بكتابة الجزء الثاني من تلك الرواية،
وإكمال تلك الأخرى. الأمر لم يكن أبداً
بالأمر اليسير.

أيقن أنّ كل لحظة ألم تمنح الكتابة قيمتها،
وقرر أن يكمل لا بحثاً عن مجد أو شهرة،
بل بحثاً عن نفسه.

لم يكن يسعى أن يكون كاتباً مشهوراً، بل
يكفيه أن يفرغ ما في داخله من مشاعر
وتجارب على الورق.

ولكن شتان الفارق بين الرغبة والقدرة،
وبكل حيرة الدنيا، قلب قصاصاته، ليرى ما
يصلح لإرساله لتلك المسابقة.

ثمّ بكل تردد، نفض الفكرة عن رأسه، لا،
لا، لن أجازف وأغامر، ثمّ ترك الأمور
تمضي لمقاديرها.

وفي تلك الليلة الهادئة، جلس يقرأ ما كتبه
مُنذُ الصباح.

ابتسم وأدرك الحقيقة المدهشة.. كل ما
عاشه من صراعٍ وحنينٍ وحكايات، كانت
هي نفسها القصة التي حاول كتابتها
للمسابقة.. لقد كتبها دون أن يدري.

رفع رأسه ونظر إلى العنوان الذي خطه في
الصفحة الأولى، وقال في قرارة نفسه
وبابتسامة مطمئنة: أصل الحكاية، ومن هنا
كانت البداية..

فليس في الإمكان أفضل ممّا كان.

الحذاء الملعون

كان يا ما كان..

كان نجع "الغراب" هادي، هدوء يسبق العاصفة، لحد ما الشمس في يوم طلعت ولقوا "الشيء" ده مستتي ببرود في وسط الطريق الترابي. كان حذاء أسود بلمعة غريبة، جلد ملمسه ناعم زي جلد التعبان، وفيه نقوش ذهبية بتلّف حواليه كأنها عروق بتتبض. الحذاء مكش متوسخ بتراب الطريق، كان بيبرق كأنه لسه طالع من فترينة في أرقى محلات المحروسة، ومقاسه "33" محفور من جوه بلون أحمر قاني، لون الدم الطازة.

أول ما شافه "حماد" -شاب كان لسه مكمل
ثلاثة وتلاتين سنة- عينه اتسحرت. الحذاء
كان بينادي عليه بلسان حاله. "حماد"
مسمعش كلام العواجيز اللي حذروه من
"لقيية" الطريق، ومد إيده بلهفة، وبمجرد
ما رجليه استقرت جوه الجلد الناعم، صرخة
مكتومة طلعت من صدره، ووقع جثة هامدة
وعينه مفتوحة على آخرها بذهول، والحذاء
رجع مكانه في الأرض كأن مفيش حاجة
حصلت.

أهل النجع اتجمعوا، الخوف سكن القلوب
بس الفضول كان أقوى. الحذاء فضل
مكانه، يغوي كل شاب يمر جنبه. مات بعد
حماد ثلاثة، كلهم في نفس السن، كلهم
ماتوا في اللحظة اللي رجليه تلمس كعب
الحذاء. الرعب خلى الناس تهجر الطريق،

بس الغريب إن الحذاء كان بيختفي ويظهر
فجأة قدام بيت الشاب اللي عليه الدور، كأنه
قناص بينقي ضحاياه بالملي.

في ليلة القمر فيها كان بدر منور، الحذاء
ظهر قدام بيت "منصور" ابن عم "زياد".
ومنصور ده كان واخد النجع كله في جناحه
بعد ما زياد -الشباب الخلق اللي ملوش
عدو- اختفى من سنة وقالوا إنه طفش يدور
على رزقه في بلاد بره. منصور شاف
الحذاء، وشه اتقلب ألوان، وبدأ يهلوس
بكلمات مش مفهومة.

الناس اتجمعت على صوته، وخرج "الشيخ
فؤاد" رجل النجع الحكيم، وبص للحذاء
اللي كان المرة دي بينضح سائل أحمر
بسيط من تحت كعبه. الشيخ فؤاد بص
للمنطقة اللي الحذاء واقف فيها، ولقى

الأرض تحته بدأت تهبط بشكل غريب.
صرخ في الشباب: "احفروا هنا.. الحذاء ده
مش زينة، ده شاهد عيان!"

ومع كل خبطة فاس، كانت ريحة الموت
بتفوح، لحد ما ظهرت الجثة. كانت جثة
"زياد" بهدومه اللي اختفى بيها،
والجمجمة مهشمة بآلة حادة. والصدمة
كانت لما لقوا الحذاء اللي كان متلقح في
الطريق، فردة منه كانت ناقصة من رجل
زياد، والفردة اللي بره هي اللي كانت
بتصطاد الشباب.

القرين بتاع زياد مكنش عايز يأذي الغلابة،
كان عايز "الهرج والمرج" يحصل عشان
حد يحفر ويطلعاه من الركن المنسي اللي
اندفن فيه غدر. بص الشيخ فؤاد لمنصور

وقال بصوت يهز الجبال: "ليه يا منصور؟
ده كان سندك!"

منصور وقع على ركبته، وكان الحذاء المرة
دي بيتحرك لوحده ببطء ناحيته، كانه كائن
حي بيزحف. منصور صرخ واعترف بكل
حاجة: "قتلته عشان يفضالي الورث، دفنته
هنا في الضلمة عشان محدش يحس بيا،
بس هو مسبنيش.. لبسني الحذاء في منامي
كل ليلة لحد ما جاني لحد هنا!"

في اللحظة اللي منصور خلص فيها
اعترافه، الحذاء فجأة انطفى لمعانه،
واتحول لجلد قديم ومقطع ومطفي، كأن
الروح اللي كانت نافخة فيه القوة راحت
لحالتها بعد ما الحق ظهر. ومن يومها،
ونجع الغراب بقى بيحكي حكاية "الورقة"

اللي اتطوت على غدر، والحذاء اللي كان
أقوى من السكوت.

العملاق

في يوم حار جدًا في عز أغسطس وفي
مكان ما على سطح الأرض، ومن بعيد كان
فيه مشهد مروع صادم... حركة ثقيلة داخلية
على الأرض كأنها هجوم بري مش
مفهوم... والنهار آه واضح بس اللي
بيحصل تحت النور مافيهوش أي طمأنينة.

الأرض كانت بتتهز مع خطواته الضخمة
اللي بتنزل على العشب... كل خطوة بتكسر
شكل المكان وبتسيب وراها أثر خوف....

على كائن يحاول النجاة... يحاول الهروب
من الوحش اللي بيطارده.

وحش له ظل كبير بيعدى فوق الزرع كأنه
بيغطي الدنيا كلها مرة واحدة... وفي النص
الكائن الصغير جداً بيجري. بتفالت بين
الأعشاب... تستخبي وتطلع... وكل مرة
تحاول، كل ما يحاول يهرب يلاقي الحركة
الضخمة لسه وراه أقرب وأقرب.... وأقرب.

المشهد كله كأنه باين كغزو في وضح
النهار... هجوم ماشي بثقة وكأنه مالك
المكان وبيطارد فريسته لحد الآخر.
الإحساس كان إن مفيش هروب... وإن
الحجم نفسه حكم على النهاية. الخطوات
بتقرب وتقل المسافات... والظل بيبقى كأنه
هو العالم كله للمخلوق الكائن المسكين.

وفجأة صوت بينادي كأنه نجدة من السماء
للفريسة:

"أحمد... أحمد أنت فين يا حبيبي؟ تعالى
بابا جه عشان تتغدى..."

كل حاجة بتتغير.....

الوحش والعملاق بيتحول لطفل جميل. طفل
صغير في حديقة بيتهم يلعب... يجري
وسط الزرع وهو يحاول يمسك فراشة
بتلف حوائيه. الفراشة اللي كانت باينة
كفريسة... كانت مجرد لعبة بتلف منه
وترجع له.

ومن تاني بيعلى صوت باباه ومامته وهما
بينادوا عليه من بعيد... وهو بيضحك
ويجري ناحيتهم كأن مفيش حاجة كانت
بتحصل. والحديقة ترجع لشكلها الطبيعي...
مفيش غزوم... مفيش هجوم... غير طفل

وفراشة ولحظة لعب عدت وتفهمت
متأخر.....

وكان ما تراه ليس كما يبدو.

أبراكادبرا

كانت سنو وايت قاعدة في حديقة القصر
بتمسح البلورة السحرية اللي ورثتها عن
جدتها، بلورة غريبة كان مكتوب عليها
باللغة القديمة كلمة "أبراكادبرا". البلورة
دي كانت عطشانة، ف سنو وايت قالت تجود
من عندها وسقت البلورة "مشروب التوت
المسحور" اللي كانت الشغالة عاملاه.

فجأة، البـورة طلعت دخان أزرق بريحة
"بخور العتبة"، والأرض اهزت، وسنو
وايت لقت نفسها بتقع في ثقب أسود وهي
بتصرخ: يا ويبيبيبيبي!

فتحت سنو وايت عينها، ملقيتش العصافير
بتزقزق فوق راسها، لقيت واحد بكرش
ولابس فائنة حمالات بينفض سجادة من
البكونة وبيرش عليها تراب.

سنو وايت قامت نفضت فستانها المنفوش
اللي بقى لونه "رصاصي" من عوادم
العربيات، وبصت حوالها بذهول:

سنو وايت: أين أنا؟ هل هذا هو وادي
النسيان؟

واحد معدي بتوك توك: نسيان إيه يا شبح؟
انتي في الدراسة.. وسعي كده بدل ما
فستانك ده يشبك في الجنزير!

سنو وايت بصت للتوك توك بذهول،
وافتكرته وحش من وحوش الغابة
المعدنية:

سنو وايت: يا إلهي! أي نوع من التنانين
هذا الذي يمشي على ثلاث عجلات ويغني
(أندال أندال)؟

جاءت سنو وايت، فمشيت في الحارة تدور
على "تفاحة" (رغم إن عندها عقدة منها).
شافت محل مكتوب عليه "فواكه الجنة".
دخلت بكل رقة وأدب الأميرة:

سنو وايت: أيها البائع النبيل، هل أجد لديك
ثمرة تفاح لم تلمسها يد ساحرة شريرة؟

البائع (المعلم شطة): بتقولي إيه يا ست
هانم؟ تفاح إيه اللي بساحرة؟ ده تفاح
سكري بـ 100 جنيه.

وهي واقفة، دخل 7 شباب لابسين بناطيل
مقطعة وشعرهم واقف لفوق، سنو وايت
أول ما شافت عددهم شهقت:

سنو وايت: أوه! الأقسام السبعة! لكن..
لماذا طُتم هكذا؟ وماذا فعلتم بشعوركم؟ هل
تعرضتم لصعقة رعدية؟

واحد منهم (اسمه كيمو): أقزام مين يا
طنظ؟

وإيه الفستان اللي انتي لابساه ده؟ انتي
هاربة من موكب المومياوات؟

سنو وايت طلعت البلورة "أبراكادبرا"
وحاولت تشغلها عشان ترجع، والناس بدأت
تتلم عليها.

سنو وايت: يا بلورتي العزيزة، أخبريني
كيف أعود لمملكتي؟ أبراكادبرا!

واحد من العيال: يا حجة البلورة دي
محتاجة سوفت وير، أو يمكن الـ (Data)
خلصت.. جربي وصلها بالراوتر اللي عند
القهوة.

سنو وايت كانت فاكرة الـ "راوتر" ده نوع
من التعاويذ، راحت القهوة وقعدت وسط
الرجالة:

سنو وايت: أيها القوم، أريد (الوايفاي) لكي
أكلم البلورة!

القهوجي: الوايفاي بـ 50 جنيهه يا ست
الأميرة، واشربي حجر شيشة عشان
تركزي في البلورة بتاعتك دي.

سنو وايت شربت بوق "سحلب" وافتكرته
مشروب القوة، فجأة وشها احمر وقعدت
تكح:

سنو وايت: ما هذا المشروب؟ هل هو سم
زعاف؟

القهوجي: ده سحب بالسسم يا فنانة،
اهدي على نفسك.

دخلت سنو وايت صيدلية عشان تشتري
"مرهم" لجروح رجلها من المشي، شافت
مراية كبيرة على الحيطه. طبعًا العادة
غلبتها:

سنو وايت: مرايتي يا مرايتي.. مين أجمل
واحدة في الحته دي؟

بنت واقفة بتجرب روج: أنا يا حبيبتني..
بالفلتر بتاع تيك توك أبقى أجمل منك ومن
اللي خلفوكي، انتي محتاجة تنظيف بشرة
وبروتين لشعرك المنكوش ده!

سنو وايت اتصدمت إن "المرايية" مبقتش
ترد، وإن البنات بقوا هما اللي بيردوا بـ
"ثقة" زيادة عن اللزوم.

وهي ماشية بتعيط، خبطت في "قدرة فول"
كانت بتغلي. البخار طلع على البلورة
"أبراكادبرا"، فجأة البلورة نورت أخضر.

سنو وايت: وجدتها! البلورة كانت محتاجة
ريحة (تقلية) مش توت!

بدأ جسمها يختفي وسط ذهول أهل الحارة:

كيمو: يا جدعان البت بتبخرا! حد يطلب لها
الإسعاف!

سنو وايت: وداعًا أيها الأقرام الطوال..
وداعًا يا وحش الثلاث عجلات.. لن أنسى
طعم السحلب أبدًا!

رجعت سنو وايت قصرها، وأول حاجة
عملتها إنها رمت "المرايية" من الشباك،

وطلبت من الشغالة تعمل لها "طبق فول
بالزيت الحار"، وقعدت تحكي للأقزام
الحقيقيين عن "عجائب القاهرة" اللي
شافتها في رحلة "أبراكادبرا".

عاشت سنو وايت في أمان، بس فضلت
طول عمرها لما تسمع صوت "موتوسكل"
بره القصر، تفتكر الدراسة وتضحك وتقول:
أندال.. أندال!

الورقة

عم سيد راجل بسيط على قد حاله... بس
بساطته دي ما كانتش باينة في بيته
خالص. أول ما يدخل تحس إن الجو

اتكهرب كأن البيت كله شد نفسه مرة
واحدة. صوته عالي بسبب وبدون سبب،
وأوامره جاهزة ونبرته دائماً فيها حدة...
كأنه داخل يحاسب مش يعيش.

طه ابنه الكبير كان أكثر واحد فاهم القصة
دي. جرب قبل كده يقرب.. يسأل، يحكي...
لكن كل مرة، كل مرة كان بيرجع بخطوة
لورا. وبقي يتعامل بحذر معاه ويحسب كل
كلمة قبل ما يقولها. يحيى بقى الأوسط،
اختار طريق تاني... يستخبي منه. يعدي من
جنبه من غير صوت كأنه مش موجود
أصلاً. وزهرة البنت الصغيرة... آخر العنقود
زي ما بيقولوا، لسه طفلة... وكانت لسه
عندها حنة براءة بتحاول تقاوم. كل يوم
تقول: "يمكن النهاردة بابا بيتسم... يمكن
يطبب عليا".

ووسطه كله زينب، الأم... الحكاية كلها
كانت باينة في عينيها. ست حنينة.. طيبة
زيادة عن اللزوم شائلة البيت وبتحاول
توازن الكفة. تهدي العيال، وتمتص عصبية
جوزها، وتعدّي الأيام بأقل خسائر ومن غير
مشاكل.. عاوزة تعيش، معندهاش قدرة ولا
طاقة تواجهه أو توقف طوفان سيد. بس
مهما حاولت... صوتها كان دائماً أهدى من
إنه يواجه صوته.

وفي ليلة من الليالي، الجو كان هادي
شوية. سيد سهران بيدخن سجائره
بشراهة، وزهرة استغلت الفرصة، قربت
منه بخطوات صغيرة وفي أيدها رسمة.
بيت، وشمس، وخمس أشخاص ماسكين إيد
بعض. بصت له بابتسامة وقالت: "دي لينا
كلنا يا بابا..."

لحظة كده عدت عليها كأنها دهر... كأنها
مستتية حاجة تكمل. بس اللي حصل كان
عكس كده. أبوها بص للورقة بسرعة،
وقال ببرود وبصوت مافهوش ذرة حنية:
"روحي نامي يا بت بدل الهزار ده."
الابتسامة اختفت من على وش زهرة...
وأيدها نزلت بالورقة، اللي اتت بهدوء...
وهي كمان سكتت.

وفي ثاني يوم، عم سيد لبس وراح شغله
من غير ما يبص في وش ولاده، وفي
دقايق كان في الورشة، هدومه متبهالة
وأيده في الشغل، ووشه عليه نفس
القسوة... بس مش طالع منها أي صوت.
المعلم فرغلي صاحب الشغل دخل عليه
وصوته عالي: "إيه اللي أنت عامله ده يا
أسطى سيد؟! الشغل ده يتسلم كده!!" عم

سيد وقف، وطأ رأسه: "حاضر يا معلم...
هظبطه." رد عليه فرغلي بنفس العصبية:
"حاضر إيه ومعلم إيه! اشتغل عدل بدل ما
تمشي، أنت شايف الدنيا جايبة همها أوي
يعني!"

سيد هز رأسه... وسكت... وعلى وشه
نفس القهر اللي بيشوفه في عيون أهل
بيته. لا رد، ولا اعتراض... ولا حتى صوته
طلع. وفي اللحظة دي، لو حد ركز، كان
هيشوف شبه غريب. نفس الوقفة... نفس
السكوت... نفس الكتمة. هي هي زهرة
وهي واقفة قدامه إمبراح. بس الفرق... إن
زهرة طفلة وهو راجل. بنته ضعيفة وهو
قوي في بيته، لكن في الورشة هتش
مهمش.

وأخر النهار رجع البيت بالليل، المرة دي
من غير صوت. فتح الباب بهدوء، كأنه
مش عايز حد يحس بوجوده. عدّى من
جنب الأوضة... لقي زهرة نائمة، وحاضنة
الرسم. قرب شوية... شاف رسمتها
متنية. وقف لحظة... يمكن لأول مرة يبص
كويس. مد إيدته يعدلها... يفردها. بس
الورقة ما فردتش معاه بسهولة. فضل فيها
خط... فضلت علامة كده... تقول إنها اتنت
قبل كده. سحب إيدته ببطء... وسابها زي ما
هي.

يمكن لأنه فهم متأخر... إن اللي بيتني
مرة... مش بيرجع زي الأول بسهولة.

شهريار في الأزبكية

شهريار صحي من النوم، شم ريحة غريبة.. مش ريحة المسك والعود بتاع القصر، دي ريحة "طعمية سخنة" و"عوادم أتوبيسات". فتح عينه لقي نفسه نايم على دكة خشب وسط كتب قديمة وورق أصفر، وحواليه ناس بتزق في بعضها وبتنادي: قرب يا أستاذ.. الرواية بـ 10 جنيه والقاموس بـ 20!

شهريار بذهول: أين سيافي؟ أين مسرور؟ أين الجواري؟ هل وقعت في أسر ملك الروم؟

بياع كتب جنبه: جواري إيه يا عم الحاج؟ أنت نايم هنا من الصبح وشكك مجنون.. قوم فز بدل ما البلدية تيجي تشيلك أنت والكتب دي!

وهو ماشي في "سور الأزبكية" بيتطوح
بعبايته الحرير اللي اتمت تراب، خبط في
بنوتة زي القمر، لابسة فستان بسيط ولافة
طرحتها "لقة توربان" وشايلة شنطة فيها
كتب كتير. اسمها "نوسة"، بنت بلد،
لسانها بينق سكر بس "نغشة"
ومبتسحبش من حد.

نوسة: مش تفتح يا كابتن؟ إنت فاكر نفسك
ماشي في صالون بيتكم؟

شهریار بنبرة ملكية: كيف تجرئين على
مخاطبة السلطان هكذا؟ ويلك من عذابي!

نوسة (ضحكت لما بان لولي سنانها):
سلطان؟ هههه.. ده أنت حالتك متأخرة
خالص! طيب ياسي السلطان، بما إني
خبطت فيك، عزمك على كوباية شاي
بالنعناع تظبط "الهرمونات السلطانية" دي.

شهریار انبهر بـ "نوسة". أول مرة يشوف
بنت مش خايفة منه، دمها خفيف، وروحها
حلو بتخلي الحجر ينطق. نوسة بدأت
تاخده وتلففه في القاهرة، أكلته "كشري"
وشربته "قصب"، وهو كان يبص لكل
حاجة كأنه طفل في مدينة ملاهي.

شهریار: يا نوسة، إن حديثك أشهى من
حكايات شهرزاد التي قتلتني بالملل.

نوسة: شهرزاد مين يا "شوشو"؟ أنا أديك
حكايات من اللي قلبك يحبها، بس أنت ابطل
"تكشيرة" السلاطين دي وفكها شوية!

وقع شهریار في غرامها، وقرر إنه ينسى
القصر والسياف ويعيش في الأزبكية يبيع
كتب جنب نوسة. وفعلاً، اتقدم لها وجاب
"شبكة" ذهب صيني (لأن دهبه الحقيقي

كان في العصر الثاني) وعملوا فرح "فيفتي
فيفتي" في قاعة بسيطة ورا السور.

يوم الفرح، كانت نوسة طالعة زي "فلقة
القمير" بفستان أبيض ومكياج هادي،
وشهريار لابس بدلة (لأول مرة في حياته
ومخنوق من الكرافتة). وهما بيرقصوا
"سلو" على أغنية رومانسية، فجأة
الإضاءة في القاعة بدأت ترعش، والصوت
اختفى، وظهر دخان كثيف حوالهم.

نوسة بخوف: إيه ده يا شهريار؟ الماسورة
ضربت ولا إيه؟

شهريار مسك إيدها بقوة: لا تخافي يا
ملكتي.. يبدو أن الزمان استجاب لندائي!

وفجأة.. "بفففف!".. لقوا أنفسهم في وسط
قاعة عرش ضخمة، وحوالهم جنود

ساجدين في الأرض وصوت بيقول: مولاي
السلطان عاد! ومعاه السلطانة الجديدة!

نوسة بصت حواليتها بذهول: الخدم والحشم
والذهب والياقوت.. وشهريار لابس تاجه
ورجعت له هيبتة.

نوسة: يا نهار أبيض! إحنا فين يا شوشو؟
ده لو كيشن تصوير مسلسل تاريخي؟

شهريار (باس إيدها): دي مملكتي يا
نوسة.. وانتني من النهاردة الملكة اللي
هتحم قلبي والمكان ده.

نوسة، بذكائها ونغاشتها المصرية،
مقعدتش ساكتة. في أول يوم حكم، غيرت
نظام القصر:

السياف "مسرور" بقى يوزع "شربات"
بدل ما يقطع رقاب.

الجواري بقوا يلبسوا "عبايات كرداسة"
ويعملوا محشي للملك.

شهريار بقى يقعد يسمع قصصها الكوميدية
عن "الحارة والأزبكية" وهو بيضحك من
قلبه.

وبكده نوسة مخلتش شهريار يبطل يقتل
الستات بس، دي خالته "أجدع" ملك في
التاريخ، وعاشوا في سعادة وهنا.
وحكاياتهم لسه بتتحكي لحد النهاردة في
"سور الأزبكية".

العوض

علي وأميرة كانوا جيران من زمان، من نفس الشارع، نفس البيوت، ونفس الحيطان اللي شافت أول خطواتهم وكلامهم وضحكهم وبراعتهم. هو كان أكبر منها بشوية صغيرين، بس الفرق ده عمره ما عمل بينهم مسافة، بالعكس كانوا كأنهم اتولدوا في نفس الحكاية.

من وهما عيال، في حاجة غريبة كانت دايمًا بتحصل من غير ترتيب؛ نظرة تعدي بينهم وتفضل شغالة في الصمت. هو يديها كتبه المدرسية القديمة في الصيف، وهي تمسكها كأنها كنز صغير وتذاكر بيها بكل تركيز. ولما دخلت ثانوي، بقى هو اللي يساعدها في المذاكرة، مش كواجب... لكن كأنه امتداد طبيعي للحاجة اللي بينهم.

قدام الناس كانوا دائماً يحاولوا يبانوا
عادين، بس الحقيقة إن أي حد قريب كان
شايف إن في حاجة أكبر من الجيرة بكثير؛
حب هادي متربي ما بيكسرش حدود ولا
بيطلع بره المكان الصح. علي كان دائماً
سندها، لو شافها شايلة حاجة على السلم
يطلع من غير كلام يشيل عنها، مش بس
الحمل اللي في أيديها، لكن كمان تعب الأيام
اللي بتسكت عنه. كبروا سوا وهو عينه
عليها في المشاوير، محدش أبداً يقدر يقرب
لها.

لحد ما أميرة دخلت كلية التجارة، ورغم
مجموعها الكبير اختارت نفس الكلية اللي
هو فيها، وده مش قرار عقل بس، كان
قرار قلب يحاول يفضل قريب من مكانه.
السنين بدأت تمشي بهدوء، لحد ما علي

خلص التخرج قبلها بتلات سنين، وكمان
خلص فترة تجنيده الإجمالي، وبعدها سافر
الخليج يشتغل في السعودية بعقد عمل، كأي
شاب طموح بيتشعبط في فرصة لتكوين
نفسه في نفس ظروفه. قبل ما يسافر بص
لها وقالها وعد بسيط: هيرجع ويبدأ حياته
معها، وساعتها أميرة صدقت، ويمكن
صدقت زيادة عن اللزوم.

استنتت.. يوم ورا يوم، وشهر يعدي، وسنة
ورا سنة، والوقت مرّ كأنه دهر، والانتظار
بدأ يأخذ من روحها وطاقتها. من غير ما
تحس بقت عصبية على أتفه الأمور وأبسط
الأسباب. وفي الوقت ده العرسان بدأوا
يتقدموا؛ ناس شكلها كويس، وناس حالتها
كويسة، لكن كل مرة كانت تلاقي في قلبها
نفس الجملة: "مش هو". أهلها بدأوا

يضغطوا، وصحباتها بدأوا يقاتلوا،
والشامتين منهم ظهروا.. السن يجري
والفرص بتقل، بس هي كانت ثابتة بشكل
واضح وكمان يوجع؛ مش هتكون لحد غير
(علي).

لكن علي... بدأ صوته يخف في الرسائل
ومكالماته بتبعد، والمحادثات بينهم تقل لحد
وقت ما اختفى تمامًا... كبريائها وإحراجها
رفضوا تعرف أخباره من والدته، وسط
نظرات عتاب وحزن دفين من والدتها.
وبعدين لقيت "بلوك" منه، من غير شرح،
من غير وداع، من غير إبداء أسباب أو
توضيح. وبعدها الحقيقة ظهرت.. إنه رجع
واتجوز واحدة تانية.

الخبر وقع عليها ثقيل بشكل ما يتوصفش،
مش بس فقدان شخص، لكن فقدان كل

السنين اللي استتته فيها بعقد شفوي ووعده
مش مكتوب... وعدي وقت وهي مش
عارفة تمسك حياتها منين ولا تصاب
روحها، كل حاجة كانت واقفة وكل شيء
حواليها انهار. وفي يوم عادي جدًا وهي
بتحاول تخرج من أحزانها بتصفح محتوى
تواصل اجتماعي، لقت إعلان وفتحت
تطبيق جواز من غير هدف، مجرد هروب
من التفكير. سجلت في "الأبلكيشن" ده
على غير هدى، مجرد تشوف الدنيا فيها
إيه...

لحد ما في يوم جالها رسالة من شخص
اسمه (عوض)، مسجل في البرنامج زيها.
كلامه كان مختلف؛ مش مذوق ولا مترتب،
مش مثالي بس صادق وواضح. عايز بيت
واستقرار، عايز علاقة تدخل من بابها

الرسمي من أول يوم. اتكلموا شوية...
واتكررت المحادثات تاني ونالت إعجابها،
وبعدين حصلت مقابلة، ومن أول قعدة في
مكان عام مع والدتها، في راحة غريبة
حصلت.

عوض حكي لها عن ظروفه وكمان تجربة
حب قديمة اتكسر فيها واتخدع، بس بدل ما
يقفل قلبه أو يستسلم للنصيب، قرر يبدأ من
جديد بشكل مختلف ويدخل موقع الجواز ده
بعيدًا عن البحث عن زوجة في واقع الحياة،
ما هو برضه جرب بره... واتوجع.
والموضوع ما خدش وقت طويل؛ تحديد
ميعاد في البيت مع أهلها، وبر بوعده وجه
يتقدم. خطوبة بسيطة وبعدها جواز.

أميرة خرجت من بيتها على زغاريد أخيرًا،
والفرح اللي عشش مكانه حزن وقهر رجع

يدق بيتهم تاني. بس الإحساس المرة دي
كان مختلف؛ مش فرحة صاخبة، لكن هدوء
غريب... كأنها بتبدأ حياة تانية فعلاً.
اتجوزت عوض واللي دخل حياتها من باب
بسيط وصدفة، كان هو العوض اللي ما
كانتش تتوقعه. ومرت الشهور كان فيها
زوجها ونعم الأب والأخ والزوج والحبيب.
وحملت أميرة وجابت ولد، والفرحة
اكتملت، وسمته على اسم أبوها اللي كان
شايل همها سنين.

والحياة بدأت تهدي والذكريات القديمة بقت
أبعد وأخف. وفي يوم فرح لحد من
الجيران، راحت هي وعوض؛ القاعة مليانة
ناس وأصوات وضحك وزينة، وفجأة...
عينها جت في عينه.

علي... واقف ومعاها مراته. ثواني بس،
بس كانت كفاية تفتح باب قديم جواها.
عرفت بعدها إنه اتجوز بعد ما الظروف
ضغطت عليه، وإن حياته ما كانت سهلة
زي ما كانت متخيلة. بس الغريب إن اللحظة
دي ما كسرتهاش، ما حسنتش بانتصار
مزيف ولا شماتة مغلقة بفرحة، ولا حتى
حست بوجع؛ هي بس بصت لابنها اللي في
حضانها. وعرفت من الناس إن ربنا ما
أكرمش علي بالخلفة لأن زوجته ما
بتجربش، وهو مجبر ما يتجوزش عليها
لأنها ربطاه بفلوسها وشغلها.

وأميرة لحظتها بصت لعوض اللي واقف
جنبها ومسكت إيده بهدوء، وخرجت من
قاعة الفرح معاها ومع وليدها، كأنها بتثبت
لنفسها في اللحظة دي إنها اتحررت خلاص

من الماضي. ابتسامة صغيرة طلعت من
غير ما تحس على وشها، مش فرحة
كبيرة... لكن سلام. وخرجت من القاعة،
وعينها دمعة نازلة بصمت، دمعة واحدة...
مش على اللي راح... لكن على اللي أخيراً
ابتدى صح.

الولد

خيرى شرف قبل ما يبقى تاجر فواكه
معروف في السوق، كان واحد من القرويين
اللي جاين من الصعيد في أوائل
التسعينات، نازل الإسكندرية وهو شايل في
جيبه مافيش غير الحلم وتمن تذكرة
القطر... وراسه مليانة فكرة واحدة: يبقى
له مكان وسط الكبار.

بدأ من الصفر حرفياً... اشتغل عند التجار،
عتال، ومرات يشتغل على عربيات نقل
خضار. سنين عدت عليه وهو بيتعلم قوانين
الشارع قبل السوق، وبيفهم الحياة من
تعبها مش من كتب... ومن كتر مالف ودار
وكعوبه ورمت، مش بس خد خبرة، لكن
الطموح عنده زاد واليأس اتناسب عكسي
معاه. كان بيعس بالشتا من المطر اللي
بيغرقه وهو في الشغل، وما عرفش جو

رمضان إلا من موائد الرحمن اللي بيفطر
عليها وهو غريب.

بس خيرى ما كانش سهل ينكسر... عزيمته
كانت أقوى من فقره، وذكاؤه الفطري خلاه
يعرف يثبت نفسه وسط تجار كبار. مع
الوقت فتح فرشاة فاكهة صغيرة واللي كانت
بداية طريقه الحقيقي. التجار في الأول
حاربوه، ضيقوا عليه، بس هو ثبت وقاوم
وصمد... وربنا كافأه ووسع، وبقي عنده
محلين كبار بعد ما كان ولا حاجة. والمحلين
بقوا أربعة والرصيد في البنك بقى 6
أصفار.

وفي وسط النجاح ده، اتجوز "مديحة"...
بنت بسيطة راضية وقنوعة، شافت معاه
نفس طريق المر من أوله وقعدوا يكافحوا
سوا... كانت شاهد عيان على رحلة

صعوده. وما بقاش فاضل إلا حلم الولد عند
خيرى شرف؛ الحلم اللي قعد يكبر زي
تجارته ما بتكبر. عاوز الولد اللي يورث
فلوسه زي ما هو ورث الفقر من أبوه.

وربنا رزقهم برزق الخلفة بينات كثير...
أربع بنات، كل واحدة فيهم خدت نصيبها
من تعب الحياة، بس مديحة كانت بتربي
وتكمل، وبتطلعهم لقدام على قد ما تقدر،
لحد ما وصلوا لكليات وتعليم عالي، وكل
واحدة شقت طريقها... وسط تجاهل أبوهم
ونقمتهم على الرزق ده... خيرى... كان
جواه حاجة تانية. كان نفسه في "ولد"
برضو؛ مش مجرد ابن... ده كان شايفه
امتداد لاسمه، وصورة لازم تتعلق على
يافظة السوق أو حتى أكبر... يافظة دكتور
من صلبه يشرفه.

ومع ضغط الفكرة دي، ومع نظرة المجتمع
حواليه إزاي يبقى المعلم خيرى معنوش
صبيان وخليفته بس بنات، بدأ يعاند الحياة،
ومش راضى بنصيبه من زينة الدنيا.
الفرحة دائماً عنده كانت ناقصة، ما بقاش
يبص فى وش بناته الثمرات، ومع الوقت
عمره ما اتقبل الأمر. خيرى ما كانش سهل
يرضى. كان كل ما يكبر طموحه فى تجارته
وربنا يزيد كمان وكمان، كل ما يبص
للبنات بنظرة مختلفة، عدم الرضا والنقمة،
لحد ما العلاقة بدأت تبرد، وهو بيقضى أيام
بره البيت، بعيد عنهم.

المعلمين صحابه قالوا له يتجوز تانى...
"راجل مقتدر وليه حق يبقى له ولد يشيل
اسمه". وفعلاً اتجوز "قدريه"، أرملة
عندها ثلاثة أولاد، وكان جواه حلم أكبر:

الولد اللي هيكمل الاسم. وقدرية مكديتش
خبر، بعد 9 شهور جه "شرف"... وفعلاً
كان الولد اللي نفسه فيه، حلم مشروع
وحق بالنسبة له.

خيري ساعتها بس حس إن الحلم أخيراً
اتحقق، فدلح وصراف، وفتح له كل الأبواب،
وكان شايف فيه الدكتور اللي هيكتب اسمه
على يافطة كبيرة في يوم من الأيام. لكن
الواقع كان مختلف... شرف ما كانش بنفس
الصورة اللي في دماغه؛ ضعيف دراسياً
وهش سلوكياً، مش بنفس تميز أخواته
البنات الكبار اللي قدرية حرمته منهم
وحرمتهم منه وسط عدم اكتر اثار خيري..
شرف كان طموحه مش ماشي في نفس
السكة.

الحلم بدأ يتكسر حثة حثة... وخيري سقف
طموحه مع ولده بدأ يقل، وبدأ يبدل الخطة:
يا فطمة الدكتور تبقى محامي... محاسب؟
يبقى أي حاجة المهم اسم يتكتب. ومع
السنين، خيري كبر... والحلم اتغير. وفي
يوم عادي جدًا، حد من صبيان المعلم شاف
اسم "شرف خيري" في خبر على موبايل،
لكن المرة دي الاسم مش في نجاح، ولا
يا فطمة، ولا شهادة؛ كان في خبر قبض عليه
في قضية مخلة بالشرف....

ساعتها خيري سكت... وبص حواليه كأنه
بيشوف كل اللي راح من عمره مرة واحدة.
الحلم اللي عاش عمره بيخبري وراه...
اتقفل عليه بشكل مختلف خالص عن اللي
كان متخيله. والمفارقة القاسية... إنه أخيرًا

شاف "اسم شرف خيرى"... بس مش في
المكان اللي كان نفسه يشوفه فيه.

اسمه أمجد

كان اسمه أمجد، طالب متفوق من وهو صغير. مش بس شاطر في الدراسة، لكن كمان مختلف في طريقة تفكيره ونظراته للأشياء. من بدري وهو صغير، كان أي حد حواليه يلاحظ إنه ذكي بشكل ملفت. في الفصل دايمًا في المقدمة، وفي البيت دايمًا ماسك كتاب أو بيقلب في حاجة ويكتب شخبطة على ورق قديم.

كان بيحب القراءة من زمان، يقرأ أي حاجة تقع في إيدته، ومع الوقت بدأ يحاول يكتب؛ خواطر صغيرة، جمل مش مترتبة أوي، بس فيها إحساس واضح إنه بيطلع من جواه حاجة حقيقية. في الأول الناس كانت بتشجعه، وتضحك وتقول له: "كمل يا أمجد دماغك حلوة"، بس مع الوقت بدأ يتسرب حاجة تانية؛ كلام بيتقال من وراه، ونظرات

فيها مقارنة، ومرات فيها استصغار من غير سبب واضح.

الموضوع ما كانش بس قلة ثقة، أمجد كان واثق شوية في نفسه، لكن اللي كان بيكسره أكثر هو النقد اللي جاي من الناس القريبة؛ ناس المفروض تشجعه، لكن بدل ما تدفعه لقدام كانت بتخليه يشك في اللي بيعمله. مع الوقت بقى أهدى، أقل كلام، وأكثر كتابة في صمت، بس جوه نفسه كان فيه صراع: هل يكمل ولا يوقف؟

في يوم من الأيام، كتب قصة قصيرة، حس إنها مختلفة عن أي حاجة كتبها قبل كده، بس لما حب يشاركها تردد، وفجأة قال للناس اللي حواليه إن القصة دي لواحد من الكتاب المشهورين.. مش بتاعته.

اللي حصل كان غريب؛ نفس الناس اللي كانت بتقلل منه، بدأوا يقرأوا بإعجاب ويقولوا إن الأسلوب جميل وفيه موهبة واضحة، وبعضهم بدأ يحلل القصة وكأنه قدامه عمل كبير. أمجد كان ساكت، بيسمع وبس. نفس الكلام اللي كان بيتقال زمان، بس المرة دي من غير ما حد يعرف إنه هو الكاتب الحقيقي.. بس المرة دي حاجة اختلفت جواه.

فهم أمجد درس مهم؛ إن مش كل الناس هتتمنى له الخير، وفي نفس الوقت مش كل الناس هتكون ضده. فيه ناس بتتكلم من غير وعي، وفيه ناس بتنتقد من غير ما تقصد تكسر. اتعلم يبص على الوشوش كويس، ويفرق بين النصيحة والحق، وبين الخوف عليه وبين التقليل منه. اتعلم إن

الحياة مش صوت واحد، لكنها خليط كبير
من أصوات لازم يفلترها بنفسه.

ومع كل ده، قرر إنه ما يوقفش، قرر إنه
يكتب، حتى لو مفيش حد مصدق، حتى لو
البداية بسيطة، حتى لو مفيش اسم ولا
شهرة ولا فلوس. كان بيكتب عشان حاجة
واحدة بس؛ عشان شغفه، وعشان اللحظة
اللي بيحس فيها وهو بيكتب إنه مرتاح. ما
بقاش بيدور على تصفيق، ولا على لقب
كاتب كبير.. كل اللي بقى يهمله إنه يوصل
لصفاء داخلي، يحس معاه إنه هو نفسه،
من غير ضجيج، ولا مقارنة، ولا حُكم من
حد.

جحا العصري

في ليلة صيفية زحمة، والناس يتلف في
ميدان الحسين والريحة بخور ومسك،
حصلت سحابة تراب غريبة ورا جامع
الحسين، ومن وسطها خرج راجل راكب
حمار نحيف، لابس عمامة كأنها "عش
نمل" من كثر لفاتها، وجلباب واسع مرقع
بكل ألوان الطيف.

الناس اتلمت، والشباب طلعتوا موبايلاتهم:
إلحق يا ابني.. ده تصوير مسلسل تاريخي؟
ولا ده (يوتيوبر) عامل مقلب؟

جحا نزل من على الحمار ببطء، بص
للممارات العالية، للأنيوار الكهرياء،
وللموبايلات اللي في إيد الناس وصاح
بصوته الجهوري:

جحا: يا أهل الكوفة! يا أهل بغداد! أين
ذهبت المنازل الطينية؟ ومن هؤلاء الجنود
الذين يحملون مرايا مضيئة في وجوههم؟
واحد من بياعين السبح ضحك وقاله:

البياع: كوفة إيه يا حج؟ أنت في الحسين،
في قلب القاهرة.. وبعدين إيه الحمار اللي
سادد الطريق ده؟ المرور هيسحبه منك
بالونش!

جحا كان عطشان، فدخل قعد على قهوة
الفيشاوي العريقة. الحمار ربطه في عمود
نور جنب القهوة. الناس كانت بتبص له
بدهشة وهو بيطلب "قربة ماء".

المنادي (الجرسون): قربة إيه يا أستاذ؟
مفيش غير معدنية أو كاتز.. تشرب إيه؟

جحا: هات لي ماءً مما يشربه السلاطين في
هذا العصر.

لما جاابوا له إزازة المية، جحا قعد يلف
الغطاء مش عارف يفتحه، لحد ما طفل
صغير فتحهوله. جحا شهق وقال: سبحان
الله! العيال في هذا الزمان عندهم قوة
خارقة في أصابعهم!

دخل جحا في نقاش مع واحد "مثقف" قاعد
على القهوة، وقاله:

جحا: أخبرني يا هذا، ماذا يفعل هؤلاء
الناس بتلك المرايا المضيئة (الموبايلات)؟
هل يستحضرون الجن؟

المثقف: لا يا عم جحا.. دي فيها كل علم
العالم. ممكن تعرف منها أي حاجة في
ثانية.

جحا: إذن سأجربها.. اسألها، أين وضع
(حماري) عقله؟ لأنه دائمًا يمشي عكس ما
أريد.

المثقف قرر يهزر مع جحا، فشغل له الـ
"GPS" بصوت ست، وقال لجحا: خذ
المريادي وهي هتدلك تروح فين.

جحا ركب الحمار وحط الموبايل قدامه،
والموبايل قال: اتجه يميناً.
جحا اتفرع:

جحا: يا ويلى! هناك امرأة محبوسة داخل
الزجاج وتأمرنى بالانحراف يميناً! اخرجني
أيتها الجنية، جحا لا يتبع النساء في
الطرق!

الحمار طبعاً مصدق، ودخل في زقاق ضيق
جداً سد السكة على "تروسكيل" محمل
أنابيب بوتاجاز.

سواق التروسكيل: يا عم الشيخ وسع
بالبهيمة دي.. مصلحتنا متعطلة!

جحا: صبرك بالله يا ولدي، المرأة التي في
المرأة تقول لي إن منزلي خلف هذا الأنبوب
الكبير!

في أقل من ساعة، فيديوهات جحا والحمار
بقت "تريند" على فيسبوك ويوتيوب تحت
عنوان "مجنون الحسين والحمار". جحا
لقى الناس بتلم عليه مش عشان حكمة، بل
عشان يتصوروا معاه "سيلفي".

جحا: أيها الناس، هل أصبحتم تعبدون
الصور؟ لماذا تضعون وجوهكم بجانب
وجهي وتضحكون؟ هل أصابني القمل؟

بنت بتتصور معاه: يا عمو جحا أنت بقيت
(Viral)، إعمل لنا حركة (أبراكادبرا) كده!

جحا حس إنه في عالم موازي، وقرر يعمل
اللي بيعمله دايماً.. يستخدم ذكائه الفطري.

لما جاع، دخل مطعم كباب وكفتة، ولقى
السعر غالي جداً.

صاحب المطعم: الحساب 5000 جنيهه يا
حج جحا.

جحا: 5000 ماذا؟ هل هذا الكباب من لحم
غزال يطير؟

طلع جحا "عملة قديمة" من جيبه، صاحب
المحل افكرها ذهب، لكن جحا قاله بحكمة:
رائحة طعامك كانت جميلة، فخذ (رائحة)
عملتي واكتفِ بها!

بعد يوم طويل من التعب والمواقف
الكوميديّة، جحا تعب من دوشة العربيات
والمهرجانات التي شغالة في كل مكان.
وقف قدام باب جامع الحسين ورفع إيداه
للسما:

جحا: يا رب، زماني كان بسيطاً، حماري
كان يفهم لغتي، والناس كانت تسمع حكمتي
لا لتصورها. أرجعني إلى عصر الحمار فيه
هو أسرع وسيلة انتقال!

فجأة، الحمار نهق نهقة قوية هزت أركان
المكان، وحصلت نفس سحابة التراب.
الناس جريت تشوف في إيه، ملقوش غير
ريشة من عمامة جحا، وصوت ضحكته
المشهوره وهي بتختفي في الهواء.

تاني يوم، الناس في الحسين فضلوا يحكوا
عن "الراجل اللي كان لابس لبس زمان"،
والشباب فضلوا يدوروا على الحساب بتاعه
على فيسبوك وملقوش حاجة. جحارجع
لعصره، وأول ما وصل، بص للحمار وقاله:

احمد ربنا يا حمار جحا إتنا رجعنا.. هناك
مكشوش بياكلوك برسيم، كانوا عايزين
يركبوك (موتور) ويعملوك (دليفري)!
وعاش جحا في سلام، بعيداً عن الـ WiFi
والـ تريندات، بيفكر بس في إزاي يخدع
جاره في طبق عسل!

حكاية كفر الطيابة

لما السحر يبقى سكر زيادة

الحكاية بدأت في بيت "الشيخ مبروك"،
دجال القرية اللي مبيعرفش يفك خط. كان
بيحاول يعمل عمل لـ "هريدي" عشان
يخلي مراته "بخيتة" تبطل تضربه
بالقبقاب. الشيخ مبروك خلط بودرة زعفران
على ريش ههد على "فانيليا" (بالغلط)،
وأول ما ولع البخور، هبت ريحة غريبة
جدًا، ريحة تخلي الواحد عايز يحضن الدنيا
كلها. الريحة طارت مع الهوا وغطت القرية
كلها في وقت "العصرية".

العمدة "منصور" كان قاعد في الدوار،
ماسك الدفاتر وبيحسب هيزود الإيجار على
الغلابة إزاي، وكان بيشتتم الغفير "سعدون"
عشان نسي يمسح له الجزمة.

فجأة، شم الريحانة.. عينيها برقت، والغل
والشك اللي في قلبه دابوا.

العمدة: يا سعدون يا ولدي.. أنت واقف
ليه؟ تعبت يا ضنايا من الوقفة، تعال اقعد
مكاني على الكرسي ده، وأنا هروح أعملنا
شاي بالنعناع ونقعد نخطط إزاي نوزع
أراضي الدوار على شباب القرية اللي عايز
يتجوز!

سعدون (وهو بيعيط): يا جناب العمدة.. أنا
ماستحقش كل ده، أنا كنت باكل من وراك
برسيم الحمار، أنا آسف يا جناب العمدة!

العمدة: ولا يهمك يا سيدي، البرسيم بتاع
ربنا والحمار أخونا!

في السوق، "المعلم حنفي الجزار" اللي
كان بيع اللحم الكبيرة على إنها بتلو،

وكان صوته بيجيب لآخر المركز، فجأة
ساب الساطور وطلع مناديل ورقية.

دخلت عليه "الست أم عبير" (رئيسة قسم
النميمة والتلقيح):

أم عبير: يا معلم حنفي، عايزة كيلو لحمة
بس بالله عليك بلاش الدهن اللي بترميه
وسط اللحمة ده."

حنفي (بابتسامة ملائكية): دهن إيه يا ست
الكل؟ ده أنا هشيل لك الفص ده، وهديك
الكيلو ومعاه "لحمة راس" هدية عشان
خاطر رموشك اللي شبه ريش النعام دي!

أم عبير (بخجل): يا خبر أبيض يا معلم! لا
والله ما يصحش، أنا هادفع دبل (ضعف)
الثمان عشان مجهودك في التقطيع، أنت
راجل تعبان وشقيان!

حنفي: أبدأ.. الحساب يوم الحساب، خدي
الحممة ودعيلي!

والاثنين فضلوا يحلفوا على بعض لحد ما
الحممة باظت من الشمس وهما بيتحايلوا
على بعض مين "يكسب" الثاني.

في المدرسة، "الأستاذ بهجت" كان بيحب
يضرب العيال بالخيزرانة. فجأة دخل الفصل
وهو بيوزع شيكولا.

الأستاذ: يا ولاد، النهاردة مفيش امتحان،
النهاردة فيه حب! اللي مش عارف الإجابة
يخرج برا الفصل يراجع اللي ذاكره ويرجع
تاني، لأن التعاون صفة المؤمنين، وأنا
هنجكم كلكم بامتياز عشان مشاعركم
متجرحش!

العيال بقوا يعيطوا ويقولوا: لا يا أستاذ،
إحنا عايزين نذاكر عشان نرفع راسك،
التنافس الشريف هو اللي هيبني الوطن!

الخبر انتشر في القرى اللي جنبهم. "كفر
الشقاوة" و"نزلة العراق" سمعوا إن "كفر
الطيابة" مفيش فيها محضر شرطة واحد
اتعمل من أسبوع.

الناس بدأت تهاجر ليهم. اللي يروح هناك
يلاقي:

الحلاق: بيحلق للناس ببلاش ويحكي لهم
قصص ملهمة بدل الفضايح.

الحموات: "الحماة" بقت تروح لـ "كنتها"
تتضف لها البيت وتقولها "نامي يا عروسة
وأنا هطبخ مكانك، أنتِ جوهرة البيت!"

الشباب: بقوا يتخانقوا مين يشيل الشيلة
عن الست الكبيرة، لدرجة إن الست ممكن

تخرج تشتري فجل تلاقى 20 شاب شايلين
الفجل وماشيين وراها في "زفة".

القرية بقت "منارة" فعلاً، بس الكوميديا إن
"السحر" خلى الناس مبالغين في المثالية.

في يوم، حرامي من بره القرية دخل يسرق
بيت "الحاج رضوان".

الحاج رضوان صحي وشافه وهو بيلم
الذهب.

رضوان: يا بني تعبت نفسك ليه وشايل
تقيل؟ استتى أجيب لك شنطة كبيرة تشيل
فيها، وخذ العقد ده كمان أصل مراتي عندها
غيره كثير ومش عايزينه!

الحرامي قعد في الأرض وانهار من العياط:
أنا تبت يا حاج! أنا مش هسرق تاني، أنا
هشتغل عندك بواب وأحمي البيت ده
برموش عيني!

وهكذا، فضل كفر الطيابة عايش في
"سحابة الحب"، وبقت الحكومة تفكر تنقل
"ديوان المظالم" هناك، لأن المشكلة
الوحيدة التي بقت تقابلهم هي إن الناس
بتموت من كثر "العزومات" وإصرار كل
واحد إنه يأكل الثاني قبل نفسه!

الكابتن ماجد في ميت عقبة

يوم ما الكارتون نزل الشارع

فجأة وبدون مقدمات، وسط شارع "شجرة الدر" في الزمالك، انشقت السماء ونزل منها شاب لابس تيشيرت أبيض بياقة زرقاء، وشعره واقف زي "شوكة الرنة"، ولا بس شورت قصير جدًا لا يتناسب مع موضة 2026 خالص.

وقع "ماجد" على سقف عربية "مرسيدس" مركونة، صاحبها نزل يصرخ: يا نهار أسود! العربية اطبقت! أنت مين يا ابني؟

ماجد بص له ببرود وهو ماسك دماغه: أنا مش فاكر حاجة.. بس حاسس إن رجلي اليمين فيها "ديناميت" وعازمة تشوط أي حاجة مدورة.

ماجد مشي تايه في شوارع الزمالك لحد ما
دخل "ساير" أو بلايستيشن كافييه. شاف
العيال بيلعبوا "فيفا".

ماجد: إيه ده؟ ليه اللعبة بطيئة كدة؟ وليه
الكورة بتوصل للمرمى في ثانية؟ إحنا كنا
بنجري ثلاث حلقات عشان نوصل لخط الـ
!18

واحد من العيال قاله: يا عم الحاج دي
فيزياء، أنت عايز الكورة تفضل في الهوا
أسبوع؟

ماجد اتعصب، شاف كورة كقر مركونة في
الركن، شاطها "شوطة صاعقة" في سقف
المحل. الكورة لفت لفة حلزونية، خرمت
السقف المعلق، ونزلت طفت جهاز التكييف،
ولفت ورجعت في إيد ماجد.

صاحب المحل: يا فنان! دي موهبة ضايعة..
أنت لازم تروح "مركز شباب الجزيرة"
فورًا!

ماجد راح النادي، ولأنه فاقد الذاكرة، كان
فاكر إن قوانين الكارتون لسه شغالة. دخل
ماتش خماسي مع شوية شباب "فرفور"
من بتوع الزمالك.

بداية الماتش: ماجد أخذ الكورة، وفجأة
الأرض بدأت تتموج تحت رجله (في
خياله)، وبدأ يجري وهو يبص للسما
وبيفتكر ذكريات "ماضي أليم" هو أصلًا
مش فاكراه!

الشباب: يا كابتن باصي! الكابتن واقف في
مكانه بقاله ربع ساعة بيفكر في إيه؟

ماجد فجأة نط في الهواء مسافة 5 متر،
وفضل "متعلق" في الجو ثلاث دقائق كاملة
وهو يحضر "ضربة الصاعقة".

الحكم: يا ابني انزل الجاذبية هتخلص! انزل
يهديك يرضيك الماتش هيخلص والوقت بدل
الضايع هيضيع وأنت لسه فوق!

ماجد نزل بضربة "دبل كيك" خلت الكورة
تتحول لـ "مثلث" من قوة الضغط، وطارت
خرمت الشبك وعدت الناحية الثانية!

ماجد خرج من النادي عايز يروح "ميت
عقبة" يشوف نادي الزمالك بما إنه في
الحي. وقف تاكسي.

السواق: على فين يا بطل الكابتن؟

ماجد: إلى حيث يوجد الهدف يا سيدي!

السواق: بقولك إيه أنا مش ناقص محن،
قولي العنوان، المهندسين ولا الدقي؟

ماجد قعد في الكرسي اللي ورا، وفجأة لمح
"كورة" صغيرة معلقة في مراية السواق.
عينه برقت، والذاكرة بدأت ترجع له "فلاش
باك" أبيض في أسود.

ماجد: الكورة صديقتي! الكورة صديقتي!

السواق: صديقتك إيه يا غالي؟ دي دلالية بـ
10 جنيه من العتبه، اهدى كدة ربنا يهديك.

ماجد وصل لتدريبات حراس المرمى. شاف
حارس عملاق. وقف قدامه وقاله: يا وليد..
لقد كبرت كثيرًا يا صديقي!

الحارس: وليد مين يا ابني؟ أنا الحارس،
أنت مين اللي دخلك هنا بالبيجامة الزرقا
دي؟

ماجد طلع كورة من تحت باطه وقاله:
استعد لضربة النسر الصاعقة التي ستهز
شباكك وتخلي الشبكة تتحرق!

شاط ماجد الكورة، الكورة مشيت في هوا
بتطلع "نار"، وفجأة السحر بطل.. الكورة
فست في نص الطريق ووقعت تحت رجل
الحارس زي "البطيخة القرعة".

ماجد بصدمة: إيه ده؟ هي مفيش موسيقى
تصويرية ليه؟ فين الكمانجة اللي بتعزف
لما بشوطة؟ فين الخلفية اللي بتبقى نار
وشرار؟

المدرّب: يا ابني إحنا في الحقيقة، الكورة
هنا بتخضع لقوانين نيوتن، مش قوانين
سبيستون!

ماجد اكتشف إن ذاكرته مش هترجع، وإن
"رجله الشمال" أقوى من اليمين في دفع

الحساب. قرر يفتح قناة على "يوتيوب"
باسم "كابتن ماجد الأصلي".

بقى بيطلع يقول لجمهوره: يا جماعة،
الجري في الملعب مش بيحتاج 3 حلقات،
أنا اكتشفت إن الملعب آخره 100 متر،
مش 40 كيلو زي ما كان مضحك عليا!

وبقى مشهور جدًا في الزمالك، وكل ما حد
يشوفه يقوله: "شوط يا ماجد.. ارمي يا
ماجد"، وهو يرد عليهم بكل أدب: والله يا
جماعة مش قادر، العضلة الضامة عندي
بقت ياباني، والجادبية في مصر ثقيلة
شوية!

تمت (بضربة جزاء ضائعة)

تمت بحمد الله